

ՀՅՈՒՄԻՍԱՅԻՆ ՀԱՄԱԼՍԱՐԱՆ



Հաստատված է

ՀՀ գիտական խորհրդի

2019 թ. ապրիլի 18-ի, հ.31 նիստում

Գիտական խորհրդի նախագահ՝ _____ Մ. Բ. Մակիջյան

**ՀՅՈՒՄԻՍԱՅԻՆ ՀԱՄԱԼՍԱՐԱՆՈՒՄ
ՄԱԳԻՍՏՐՈՍԱԿԱՆ ԹԵԶԻ
ՊԱՏՐԱՍՏՄԱՆ, ՊԱՇՏՊԱՆՈՒԹՅԱՆ ԵՎ
ԳՆԱՀԱՏՄԱՆ ԿԱՐԳ**

ԵՐԵՎԱՆ 2019

ՄԱԳԻՍՏՐՈՍԱԿԱՆ ԹԵԶԻՆ ՆԵՐԿԱՅԱՑՎՈՂ ՊԱՀԱՆՁՆԵՐ

1. ԸՆԴՀԱՆՈՒՐ ԴՐՈՒՑԹՆԵՐ

- 1.1. Մագիստրոսական թեզը ինքնուրույն հետազոտական, վերլուծական և/կամ կիրառական նշանակության ավարտուն աշխատանք է, որն արտացոլում է տվյալ մասնագիտական ոլորտում ուսանողի ձեռք բերած գիտելիքները կիրառելու և ինքնուրույն ուսումնասիրություն կատարելու կարողությունները, ինչպես նաև գիտական խնդիրներ բարձրացնելու և նոր լուծումներ առաջադրելու հմտությունները:
- 1.2. Մագիստրոսական թեզի պատրաստումը և հրապարակային պաշտպանությունը մագիստրոսի կրթական ծրագրի ավարտական պահանջներից են:
- 1.3. Մագիստրոսական թեզը մագիստրոսի կրթական ծրագրի անհատական և ամփոփիչ բաղադրիչն է, որի պատրաստումը և պաշտպանությունն առկա ուսուցման դեպքում իրականացվում են 2-4-րդ կիսամյակներում, իսկ հեռակա ուսուցման դեպքում՝ 3-5-րդ կիսամյակներում: Բոլոր ուսանողները մինչև 1-ին (հեռակա ուսուցման դեպքում՝ 2-րդ) կիսամյակի ավարտը պետք է ունենան թեզի հրամանագրված թեմաներ և ղեկավարներ: Թեզի պատրաստման և պաշտպանության համար ծրագրում նախատեսվում է 18 կրեդիտ աշխատաժամով:
- 1.4. Մագիստրոսական թեզի խորագրերի հաստատումից մինչ պաշտպանության ընթացքի ողջ պատասխանատուն համարվում է ամբիոնի վարիչը:
Պաշտպանությունից հետո երեք տարի թեզերը /պաշտպանած, թե չպաշտպանած/ պահվում են ամբիոնում, որից հետո կատարվում է արխիվացվում՝ համաձայն փաստաթղթերի արխիվացման կարգի:

2. ՄԱԳԻՍՏՐՈՍԱԿԱՆ ԹԵԶԻ ՕՐԻՆԱԿԵԼԻ ԿԱՌՈՒՑՎԱԾՔԸ

2.1. Մագիստրոսական թեզի օրինակելի կառուցվածքը ներկայացված է Աղյուսակ 1-ում:

Աղյուսակ 1. Մագիստրոսական թեզի օրինակելի կառուցվածքը և ներկայացվող պահանջները

ԿԱՌՈՒՑՎԱԾՔԸ	ՆԵՐԿԱՅԱՑՎՈՂ ՊԱՀԱՆՋՆԵՐԸ
<i>Տիտղոսաթերթ</i>	Տիտղոսաթերթը լրացվում է համաձայն Հավելված 1-ում ներկայացված ձևաչափի:
<i>Ամփոփագիր</i>	Տրվում են թեզի հայերեն, ռուսերեն և անգլերեն անվանումները, իսկ նպատակը և ստացված արդյունքները ներկայացվում են միայն հայերեն (1թերթ՝ 2 էջ): Ամփոփագրի օրինակելի կառուցվածքը ներկայացված է Հավելված 3-ում :
<i>Բովանդակություն</i>	Ըստ հերթականության ներկայացվում են թեզի բոլոր բաժինները, դրանց համապատասխան էջերը, ինչպես նաև հավելվածները, որոնք կցվում են թեզին:
<i>Ներածություն</i>	Ներկայացվում են թեմայի արդիականությունը, նպատակն ու խնդիրները, ուսումնասիրության օբյեկտը և առարկան, պաշտպանության ներկայացվող դրույթները, մեթոդաբանությունը, գիտական և/կամ կիրառական նշանակությունը, ծավալը: Ներածության օրինակելի կառուցվածքը ներկայացված է Հավելված 3-ում :
<i>Հիմնական մաս</i>	Աշխատանքի հիմնական մասը բաղկացած է գլուխներից և ենթագլուխներից: Այն ներառում է օգտագործված գրականության և ուսումնասիրվող հիմնախնդրի վերլուծությունը, կիրառված մեթոդների և կատարված հետազոտության նկարագրությունը, ուսումնասիրության արդյունքների շարադրումը և վերլուծությունը, մեկնաբանություններ և ամփոփում:
<i>Եզրակացություններ (և առաջարկություններ)</i>	Ներկայացվում են եզրակացությունները, որոնցում ամփոփվում են աշխատանքի նշանակալի արդյունքները: Կարող են ներկայացվել նաև առաջարկություններ:
<i>Օգտագործված գրականության ցանկ</i>	Նշվում է միայն այն գրականությունը, որն օգտագործվել է թեզը շարադրելիս, և որին համապատասխան հղումներ են արված:
<i>Հավելվածներ</i>	Առկայության դեպքում կցվում են թեզին (հավելվածը աշխատանքի ընդհանուր ծավալն համարակալելիս չի ներառվում):

3. ՄԱԳԻՍՏՐՈՍԱԿԱՆ ԹԵԶԻ ՁԵՎԱՎՈՐՄԱՆ ՊԱՀԱՆՁՆԵՐԸ

- 3.1. Մագիստրոսական թեզը պաշտպանության է ներկայացվում համակարգչային շարվածքով՝ տպագիր (կազմված) և էլեկտրոնային տարբերակներով: Թղթի չափսը՝ A4 (210 մմ x 297 մմ), լուսանցքները՝ ձախից 3.0 սմ, աջից՝ 1.5 սմ, վերնից՝ 2.0 սմ և ներքևից՝ 2.5 սմ: Նյութը տպվում է թերթի միայն մեկ երեսին: Տեքստը մուտքագրվում է «Յունիկոդ» (Unicode) կոդավորման համակարգի տառատեսակների կիրառմամբ: Վերնագրերը և տեքստը շարվում են 14 pt տառաչափով, միջտողային հեռավորությունը՝ 1.5: Գլուխների վերնագրերը գրվում են թավ (bold) և գլխատառերով, ենթագլուխները 12 pt թավ (bold) և գլխատառերով: Յուրաքանչյուր գլուխ սկսվում է նոր էջից: Պարբերությունները հավասարեցվում են երկու կողմերից, սկսվում են 1 սմ խորքից: Թեզի բոլոր էջերը, ներառյալ հավելվածները, համարակալվում են ներքևում՝ կենտրոնում: Համարակալումը սկսվում է բովանդակությունից, որը համարվում է 2-րդ էջը:
- 3.2. Աշխատանքում առկա աղյուսակները, նկարներն ու գծապատկերները, հավելվածները և այլն համարակալվում են, և դրանց տրվում են անվանումներ (անհրաժեշտության դեպքում տրվում են նաև ծանոթագրություններ): Նկարների, գծապատկերների, գծագրերի անվանումները, նշանակումների բացատրությունները գրվում են դրանց ներքևում, մեջտեղում՝ 10 pt տառաչափով: Աղյուսակների անվանումները գրվում են դրանց վերևում, իսկ հավելվածներինը՝ նորէջի վերին աջ անկյունում:
- 3.3. Աշխատանքի վերջում տրվում է օգտագործված գրականության ցանկն ըստ այբբենական կարգի՝ հայերեն, ռուսերեն, անգլերեն հաջորդականությամբ: Ցանկում գրականությունը ներկայացվում է բնագրի լեզվով: Նախ նշվում են հեղինակի (ների) ազգանունը (ները) և անվան սկզբնատառը (երը), այնուհետև նյութի՝ գրքի կամ հոդվածի ամբողջական անվանումը, ամսագրի լրիվ կամ ընդունված կրճատ անվանումը, հրատարակման վայրը, հրատարակչությունը, հրատարակման թվականը, հատորի և թողարկման համարները, հերթական համարը, էջերը կամ գրքի էջերի քանակը: Համացանցում տեղադրված նյութերի դեպքում կիրառվում են նույն սկզբունքները՝ վերջում նշելով համապատասխան նյութի հղման հասցեն և ծանոթանալու ամսաթիվը (օրինակ, ... // URL: <http://www.info...>, 14.06.2016):

3.4. Հղումները տեքստում տրվում են ուղղանկյուն փակագծերում՝ ըստ գրականության ցանկում ներկայացված կարգային համարի ([1], [3-6], [4, 8, 10-16], [3, էջ 15], [7, էջ 5-9]), կամ տողատակում, ինչպես ներկայացվում է օրինակում¹:

3.5. Մագիստրոսական թեզի շարադրանքի նվազագույն և առավելագույն ծավալները սահմանում են ֆակուլտետների գիտական խորհուրդները՝ ելնելով մասնագիտական առանձնահատկություններից՝ միջակայք ընդունելով 50-60 էջերի սահմանները:

3.6. Համապատասխան կայքերի միջոցով(օրինակ՝ <https://users.antiplagiat.ru/>) անհրաժեշտ է ստուգել թեզի օրիգինալությունը (պետք է 60 % -ից պակաս չլինի և փաստը հաստատող փաստաթուղթը կարվում է աշխատանքի վրեջում) :

3.7. Մագիստրոսական թեզին CD սկավառակով կցվում է .

- թեզի էլեկտրոնային տարբերակը
- ամփոփագիրը
- սահիկահանդեսը
- եզրակացությունը հայերեն և անգլերեն՝ ձևանմուշին համապատասխան

¹ Ամիրջանյան Յու.Ա, Սահակյան Ա.Ս. Մանկավարժություն: Ուս. ձեռնարկ, Երևան, <<Մանկավարժ>>2004թ., էջ 77

4. ՄԱԳԻՍՏՐՈՍԱԿԱՆ ԹԵԶԻ ՊԱՏՐԱՍՏՈՒՄԸ ԵՎ ՊԱՇՏՊԱՆՈՒԹՅՈՒՆԸ

4.1. Մագիստրոսական թեզի պատրաստումը և պաշտպանությունն իրականացվում են Հյուսիսային համալսարանի առկա ուսուցման համակարգի համար սահմանված ուսումնական գործընթացի կազմակերպման ժամանակացույցի համաձայն (տե՛ս Աղյուսակ 2):

Հեռակա ուսուցման համակարգում յուրաքանչյուր գործողություն իրականացվում է աղյուսակ 2-ում ներկայացված վերջնաժամկետից մեկ կիսամյակ ուշ:

4.2. Մագիստրոսական թեզի պատրաստման աշխատանքները կատարվում են գիտական ղեկավարի խորհրդատվությամբ և վերահսկողությամբ: Գիտական ղեկավարի պարտականություններն են.

ա) մագիստրոսական թեզի առաջադրանքի կազմում,

բ) թեզի կատարման աշխատանքային պլանի (ժամանակացույցի) կազմում և դրա իրականացման վերահսկողություն,

գ) թեմայի վերաբերյալ գրականության և այլ աղբյուրների ընտրության և օգտագործման համար առաջարկություններ կամ խորհրդատվություն,

դ) օգնություն ուսանողին՝ հետազոտության պլանի մշակման հարցում,

ե) խորհրդատվություն ուսանողին՝ մագիստրոսական թեզի կատարման բոլոր հարցերում՝ համաձայն խորհրդատվությունների համար ուսումնական ստորաբաժանման կողմից սահմանված կիսամյակային գրաֆիկի,

զ) ծանուցում ուսանողին՝ սույն կարգի դրույթների, պահանջների և գնահատման չափանիշների ու չափորոշիչների վերաբերյալ,

է) խորհրդատվություն (օգնություն) ուսանողին՝ ելույթի պատրաստման և պաշտպանության համար անհրաժեշտ ցուցադրական նյութերի ընտրության հարցում,

4.3. Մագիստրոսական թեզի նախապաշտպանությունն իրականացվում է ամբիոնի դասախոսների, ինչպես նաև ուսանողի գիտական ղեկավարի մասնակցությամբ:

4.4. Մագիստրոսական թեզի վերաբերյալ ղեկավարը ներկայացնում է կարծիք, որի մեջ պետք է արտացոլված լինեն.

1) թեմայի արդիականությունը,

2) թեզի առավելությունները (բացթողումները)

3) թեզի կիրառական նշանակությունը,

- 4) թույլտվություն՝ հրապարակային պաշտպանության
- 5) ղեկավարի գնահատականն աշխատանքի վերաբերյալ:
- 4.5. Թեզի նախապաշտպանության ընթացքում գրագողության հայտնաբերման դեպքում (աշխատանքում այլ աղբյուրներից առանց հղման, զգալի չափով օգտագործված ցանկացած նյութ (տեքստ) համարվում է գրագողություն) աշխատանքը չի թույլատրվում հրապարակային պաշտպանության:
- 4.6. Հրապարակային պաշտպանության ժամանակ գրագողության հայտնաբերման դեպքում աշխատանքը գնահատվում է «անբավարար»:
- 4.7. Մագիստրոսական թեզի պաշտպանությունը սկսվում է նրա կողմից հիմնական դրույթների և բովանդակության սեղմ ներկայացմամբ: Ներկայացման տևողությունը մագիստրոսական թեզի համար սահմանվում է մինչև 15 րոպե:
- 4.8. Մագիստրոսական թեզի ներկայացումը պետք է ներառի.
1. թեմայի հիմնավորումը,
 2. թեմայի նպատակը և խնդիրները,
 3. աշխատանքի կառուցվածքը,
 4. աշխատանքի կարևոր ձեռքբերումները և հետաքրքիր արդյունքները:
- 4.9. Ներկայացումը լսելուց հետո Հանձնաժողովի անդամները մագիստրոսին կարող են տալ թեզի վերաբերյալ կամ թեմայի հետ առնչվող հարցեր:
- 4.10. Մագիստրոսը հարցերին պատասխանելու ընթացքում կարող է օգտվել աշխատանքից:
- 4.11. Մագիստրոսական թեզի գնահատման արդյունքները հայտարարվում են բոլոր շրջանավարտների ներկայացումները լսելուց հետո՝ քննարկման արդյունքում: Քննարկման ընթացքում Հանձնաժողովի անդամներն ընթերցում են ղեկավարի կարծիքը, արտաքին գրախոսությունը, ինչպես նաև այն բոլոր փաստաթղթերը, որոնք ըստ սույն կարգի՝ պահանջվում է ներկայացնել մագիստրոսական թեզի պաշտպանությանը:
- 4.12. Մագիստրոսական թեզի պաշտպանությանը ներկայացվում են հետևյալ փաստաթղթերը.
- 1) մագիստրոսական թեզը,
 - 2) մագիստրոսական թեզի վերաբերյալ գրախոսի կարծիքը,

3) մագիստրոսական թեզի վերաբերյալ ղեկավարի կարծիքը,

4) մագիստրոսի առաջադիմության միջին որակավորման գնահատականը (ՄՈԳ-ը):

Աղյուսակ 2. Մագիստրոսական թեզի պատրաստման և պաշտպանության ժամանակացույց

Գործողություն	Վերջնաժամկետ
Մագիստրոսական թեզի թեմայի ընտրություն և հաստատում, գիտական ղեկավարի նշանակում և հրամանագրում	1-ին կիսամյակի ավարտ
Թեզի առաջադրանքի և վերջինիս կատարման աշխատանքային պլանի (ժամանակացույցի) կազմում, հետազոտության պլանի մշակում, հետազոտության մեթոդների ընտրություն, գրականության վերլուծություն/մշակում և ներկայացում ուսումնական ստորաբաժանում ատեստավորման համար	2-րդ կիսամյակի ավարտ
Թեզի հետազոտական մասի կատարում և արդյունքների վերլուծություն, աշխատանքի քննարկում և հաղորդում գիտական սեմինարների ընթացքում, որոնց հիման վրա իրականացվում է ատեստավորում	3-րդ կիսամյակի ավարտ
Հետազոտության արդյունքների ամփոփում, թեզի հանձնում՝ ծրագիրն իրականացնող ուսումնական ստորաբաժանում	4-րդ կիսամյակ, պաշտպանությունից առնվազն 4 շաբաթ առաջ
Թեզի նախապաշտպանություն, որոնց հիման վրա իրականացվում է ատեստավորում: Էական դիտողությունների առկայության դեպքում՝ աշխատանքի լրամշակում և ներկայացում ուսումնական ստորաբաժանում մեկ շաբաթվա ընթացքում	4-րդ կիսամյակ, պաշտպանությունից առնվազն 2 շաբաթ առաջ
Մագիստրոսական ծրագիրն իրականացնող ուսումնական ստորաբաժանման կողմից աշխատանքի արտաքին գրախոսության կազմակերպում ² (տե՛ս Հավելված 2)	4-րդ կիսամյակ, գրախոսականի ներկայացում ուսումնական ստորաբաժանում պաշտպանությունից առնվազն 3 օր առաջ
Թեզի հրապարակային պաշտպանություն ամփոփիչ ատեստավորման հանձնաժողովի նիստում	4-րդ կիսամյակի ավարտ ³

² Հյուսիսային համալսարանի հիմնական և համատեղությամբ աշխատողը չի կարող լինել արտաքին գրախոս

³ Թեզի հրապարակային պաշտպանության ժամկետները սահմանվում են ՀՀ ուսումնական գործընթացի կազմակերպման ժամանակացույցով

5. ՄԱԳԻՍՏՐՈՍԱԿԱՆ ԹԵԶԻ ԳՆԱՀԱՏՈՒՄԸ

- 5.1. Մագիստրոսական թեզի գնահատումն իրականացվում է 100 միավորանոց սանդղակով՝ համաձայն սահմանված չափանիշների և դրանց համապատասխան չափորոշիչների (տե՛ս Աղյուսակ 3):
- 5.2. Ուսանողի արդյունաբար միավորը ամփոփիչ ատեստավորման հանձնաժողովի անդամների նշանակած արդյունաբար միավորների միջինն է:
- 5.3. Ուսանողի մագիստրոսական թեզը գնահատում են ամփոփիչ ատեստավորման հանձնաժողովի միայն այն անդամները, որոնք ներկա են եղել տվյալ ուսանողի պաշտպանության ամբողջ ընթացքում:
- 5.4. Ամփոփիչ ատեստավորման հանձնաժողովի գնահատման արդյունքները հրապարակվում են ամփոփումից անմիջապես հետո՝ ուսանողների ներկայությամբ:
5.2., 5.3., 5.4. ենթակետերը լրացվել են գիտական խորհրդի՝ 2019 թ. ապրիլի 18-ի հ.31 նիստի որոշմամբ:

6. ԳՆԱՀԱՏՄԱՆ ԱՐԴՅՈՒՆՔՆԵՐԻ ԲՈՂՈՔԱՐԿՈՒՄԸ

- 6.1. Գնահատման արդյունքների հրապարակումից հետո՝ հանձնաժողովի նախագահը (ըստ ընթացակարգի) ներկա ուսանողներին հարցնում է բողոքների առկայության մասին:
- 6.2. Ուսանողը գնահատման արդյունքների հրապարակումից անմիջապես հետո՝ դրանց վերաբերյալ բողոքի առկայության դեպքում դիմում է ներկայացնում հանձնաժողովի նախագահին:
- 6.3. Բողոքարկումն իրականացվում է, եթե առկա են «ՀՀ բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման» վերոնշյալ կարգի (այսուհետև՝ Կարգ) ընթացակարգային դրույթների խախտումներ:
- 6.4. Հանձնաժողովի նախագահը դիմումը ստանալուց անմիջապես հետո շրջանավարտին է ներկայացնում հանձնաժողովի անդամների գնահատումների արդյունքները՝ համաձայն սույն կարգի 5.1. կետում սահմանված չափանիշների և չափորոշիչների:
- 6.5. Գնահատման գործընթացում ընթացակարգերի կիրարկման և միավորների

հաշվարկման ու ամփոփման սխալների հայտնաբերման դեպքում՝ հանձնաժողովը.

ա) փոխում է ուսանողի գնահատականը, եթե հայտնաբերված խախտումը կամ

սխալն ազդել են գնահատման արդյունքի վրա,

բ) չի փոխում գնահատականը եթե սխալը կամ թերությունը չեն ազդել

գնահատման արդյունքի վրա,

գ) չեղարկում է պաշտպանության արդյունքները, եթե առկա են Կարգի

ընթացակարգային լուրջ խախտումներ և անմիջապես կազմակերպում է նոր պաշտ

պանություն:

6. կետը լրացվել է գիտական խորհրդի՝ 2019 թ. ապրիլի 18-ի հ. 31 նիստի որոշմամբ:

Աղյուսակ 3. Մագիստրոսական թեզի գնահատման չափանիշները, չափորոշիչները և հատկացվող միավորները

Ուսանող(անուն, հայրանուն, ազգանուն)՝ _____

Թեզի թեման՝ _____

Հանձնաժողովի անդամ՝ /գ.ա., կ., ա, ա/ _____

Գնահատման չափանիշ/ առավելագույն միավոր	Չափորոշիչ	Հատկացվող միավոր	Ընդհանուր միավոր
1. Աշխատանքի արդիականության հիմնավորումը և գրականության վերլուծությունը Առավելագույնը՝ 10 միավոր	1.1. Հիմնավորված է հետազոտության արդիականությունը, ձևակերպված է հիմնախնդիրը, սահմանված են հետազոտության նպատակը և խնդիրները: Կատարված են թեմային առնչվող անհրաժեշտ գրականության վերլուծություն և ամփոփում	0-10	
2. Հետազոտության իրականացումը և արդյունքները Առավելագույն միավորը՝ 30	2.1. Հետազոտությունը կատարված է ինքնուրույն դրված խնդիրներին համապատասխան	0-10	
	2.2. Ստացված արդյունքները հիմնավորված են և պարունակում են գիտական, մեթոդական կամ գործնական նորույթ	0-10	
	2.3. Կատարված է արդյունքների ամբողջական վերլուծություն, և արված են համապատասխան եզրակացություններ (նաև առաջարկություններ)	0-10	
3. Աշխատանքի շարադրումը և ձևավորումը Առավելագույն միավորը՝ 20	3.1. Աշխատանքը շարադրված է հստակ, գրագետ և տրամաբանված: Աշխատանքի գլուխների և ենթագլուխների բաժանումը և անվանումները համապատասխանում են բովանդակությանը	0-10	
	3.2. Աշխատանքը ձևավորված է ըստ տրված տեխնիկական պահանջների: Աշխատանքում առկա են հետազոտությունը և արդյունքները հիմնավորող հիմնական տվյալները (օրինակ՝ աղյուսակներ, նկարներ, սխեմաներ, մեջբերումներ և այլն)	0-10	
4. Աշխատանքի հրապարակաին պաշտպանությունը Առավելագույնը՝ 40 միավոր	4.1. Ջեկույցում հիմնավորվում են հետազոտության արդիականությունը, նպատակը և խնդիրները, ներկայացվում են մեթոդաբանությունը, աշխատանքի բովանդակությունը, արդյունքները և եզրակացությունները	0-10	
	4.2. Ջեկույցը հստակ է և հետևողական, զեկուցողը կարողանում է փոխկապակցված ձևով ներկայացնել և բացատրել կատարված աշխատանքը, հիմնավորել արդյունքները	0-10	
	4.3. Հարցերին և դիտողություններին զեկուցողը պատասխանում է հիմնավորված և սպառիչ	0-10	
	4.4. Ցուցադրական նյութն արտացոլում և պարզաբանում է աշխատանքի հիմնական բովանդակությունը	0-10	
Արդյունարար առավելագույն միավորը՝ 100			

Հավելված 1.

ՀՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅՈՒՆ [14 pt]



ՀՅՈՒՄԻՍՄԱՅԻՆ ՀԱՄԱԼՍԱՐԱՆ [14 pt]

ՖԱԿՈՒԼՏԵՏ՝ [12 pt]
ԱՍԲԻՈՆ՝
ՄԱՍՆԱԳԻՏՈՒԹՅՈՒՆ՝
ՈՐԱԿԱՎՈՐՈՒՄ՝
ԿՐԹԱԿԱՆ ԾՐԱԳԻՐ՝

ՄԱԳԻՍՏՐՈՍԱԿԱՆ ԹԵԶ [18 pt]

ԹԵՄԱ՝ ԹԵԶԻ ՎԵՐՆԱԳԻՐԸ ՀԱՅԵՐԵՆ [12 pt Bold]

/ ԹԵԶԻ ՎԵՐՆԱԳԻՐԸ ԱՆԳԼԵՐԵՆ և ՌՈՒՍԵՐԵՆ /

ՄԱԳԻՍՏՐՈՍ՝ ----- Ա.Ա.Հ. [12 pt]

ԳԻՏԱԿԱՆ ՂԵԿԱՎԱՐ՝ -----կոչում, աստիճան, Ա.Ա.Հ.

Երաշխավորվում է պաշտպանության

Ամբիոնի նիստով -----[12 pt]

Ամբիոնի վարիչ՝ ----- կոչում, աստիճան, Ա.Ա.Հ.

ԵՐԵՎԱՆ 2019

Հավելված 2.

ԳՐԱԽՈՍՈՒԹՅՈՒՆ

Հյուսիսային համալսարանի մագիստրատուրայի ուսանող(ուհի)

_____ -ի
(անուն, հայրանուն, ազգանուն)

_____ վերնագրով
(թեմայի անվանումը)
մագիստրոսական թեզի վերաբերյալ⁴

1. Աշխատանքի արդիականության հիմնավորումը և գրականության վերլուծությունը

2. Հետազոտության իրականացումը և արդյունքները

3. Աշխատանքի շարադրումը և ձևավորումը

Դիտողություններ

Եզրակացություն (աշխատանքը բավարարում է/չի բավարարում մագիստրոսական թեզին ներկայացվող պահանջներին, հեղինակն արժանի է տվյալ մասնագիտությամբ մագիստրոսի որակավորման աստիճանի շնորհմանը)

Գրախոս՝ _____
(գիտական աստիճան և կոչում, ազգանուն, անուն, հայրանուն)

_____ (աշխատանքի վայրը, պաշտոնը)

Ստորագրություն _____ « _____ » _____ 20__ թ.

⁴ Գրախոսը նախապես պետք է ծանոթ լինի սույն կարգում սահմանված մագիստրոսական թեզի գնահատման չափանիշներին:

ՆԵՐԱԾՈՒԹՅՈՒՆ

Մինչ ՀԵՏԱԶՈՏՈՒԹՅԱՆ ԱՐԴԻԱԿԱՆՈՒԹՅՈՒՆԸ գրել 1-1,5 էջ ներածական խոսք հիմնախնդրի վերաբերյալ:

ՀԵՏԱԶՈՏՈՒԹՅԱՆ ԱՐԴԻԱԿԱՆՈՒԹՅՈՒՆԸ

Աշխատանքի արդիականությունը պայմանավորված է նրանով, որ.....

ՀԵՏԱԶՈՏՈՒԹՅԱՆ ՆՊԱՏԱԿԸ

Աշխատանքի նպատակն է

ՀԵՏԱԶՈՏՈՒԹՅԱՆ ՀԻՄՆԱԿԱՆ ԽՆԴԻՐՆԵՐԸ

Աշխատանքի նպատակից բխում են հետևյալ խնդիրները.

1.

ՀԵՏԱԶՈՏՈՒԹՅԱՆ ՕԲՅԵԿՏԸ

ՀԵՏԱԶՈՏՈՒԹՅԱՆ ԱՌԱՐԿԱՆ

ՀԵՏԱԶՈՏՈՒԹՅԱՆ ՄԵԹՈԴԱԲԱՆՈՒԹՅՈՒՆԸ

ՀԵՏԱԶՈՏՈՒԹՅԱՆ ԳԻՏԱԳՈՐԾՆԱԿԱՆ ՆՇԱՆԱԿՈՒԹՅՈՒՆԸ

ՀԵՏԱԶՈՏՈՒԹՅԱՆ ՎԱՐԿԱԾԸ /եթե առկա է/

ՊԱՇՏՊԱՆՈՒԹՅԱՆ ՆԵՐԿԱՅԱՑՎՈՂ ՀԻՄՆԱԿԱՆ ԴՐՈՒՅԹՆԵՐԸ

1.

ՀԵՏԱԶՈՏՈՒԹՅԱՆ ԾԱՎԱԼՆ ՈՒ ԿԱՌՈՒՑՎԱԾՔԸ

Հետազոտությունը կազմված է <<Ներածությունից>>,՝ իրար լրացնող և միմյանց օրգանական շարունակություն հանդիսացող գլուխներից <<Փորձագիտական մասից>> ,<<Եզրակացությունից>>, <<Գրականության ցանկից>>,<<Հավելվածից>>:

Ընդհանուր ծավալը կազմում է համակարգչային էջ:

ՖԱԿՈՒԼՏԵՏ _____
 ԱՄԲԻՈՆ՝ _____
 ՄԱՍՆԱԳԻՏԱՅՈՒՄ՝ _____
 ՄԱԳԻՍՏՐԱՆՏ՝/ՈՒՍԱՆՈՂ՝ _____
 ԳԻՏԱԿԱՆ ՂԵԿԱՎԱՐ՝ _____

ՄԱԳԻՍՏՐՈՍԱԿԱՆ ԹԵԶ/ ԱՄՓՈՓԱԳԻՐ/

ԹԵՄԱ՝ _____

ՀԵՏԱԶՈՏՈՒԹՅԱՆ ԽՆԴԻՐՆԵՐՆ ՈՒ ՆՊԱՏԱԿԸ՝

ՀԵՏԱԶՈՏՈՒԹՅԱՆ ԵԶՐԱԿԱՅՈՒԹՅՈՒՆ՝

Լրացված տարբերակները կարող եք ուղարկել prdep@northern.am էլ. հասցեին

FACULTY -----

CHAIR -----

SPECIALITY -----

GRADUATE STUDENT/STUDENT -----

ACADEMIC SUPERVISOR -----

MASTER'S THESIS / SUMMARY/

SUBJECT -----

THE AIM AND THE OBJECTIVES OF THE RESEARCH

THE CONCLUSION OF THE RESEARCH

-----You

can send the filled out versions to prdep@northern.am